

四庫全書

集部

欽定四庫全書

集部

江湖小集卷一  
一至三

詳校官中書臣張姚成

助教臣常循履勘

覆校官主事臣龔敬身

校對官助教臣胡子襄

謄錄舉人臣吳之承

欽定四庫全書

集部八

江湖小集

總集類

提要

臣等謹案江湖小集九十五卷舊本題宋陳起編起字宗之錢塘人開書肆於睦親坊亦號陳道人今所傳宋本諸書稱臨安陳道人家開雕者皆所刻也是集所錄凡六十二家洪邁二卷僧紹嵩七卷葉紹翁一卷嚴粲一

卷毛珙一卷鄧林一卷胡仲參一卷陳鑒之  
一卷徐集孫一卷陳允平一卷張至龍一卷  
杜旂一卷李龔三卷施樞二卷何應龍一卷  
沈說一卷王同祖一卷陳起一卷吳仲孚一  
卷劉翼一卷朱繼芳二卷林尚仁一卷陳必  
復一卷斯植二卷劉過一卷葉茵五卷高似  
孫一卷敖陶孫二卷附詩評朱南杰一卷余  
觀復一卷王琮一卷劉仙倫一卷黃文雷一

卷姚鏞一卷俞桂三卷薛嵎一卷姜夔一卷  
周文璞三卷危稹一卷羅與之二卷趙希櫟  
一卷黃大受一卷吳汝式一卷趙崇錡一卷  
葛天民一卷張弋一卷鄒登龍一卷吳淵二  
卷宋伯仁一卷薛師石一卷附諸跋及墓志  
高九萬一卷許棐四卷戴復古四卷利登一  
卷李濤一卷樂雷發四卷張蘊斗一卷劉翰  
一卷張良臣一卷葛起井一卷武衍二卷林

同一卷內惟姚鏞周文璞吳淵許棐四家有賦及雜文餘皆詩也按方回瀛奎律髓曰寶慶初史彌遠廢立之際錢塘書肆陳起宗之能詩凡江湖詩人俱與之善刊江湖集以售劉潛夫南岳稿亦與焉宗之賦詩有云秋雨梧桐皇子府春風楊柳相公橋本改劉屏山句也或嫁秋雨春風句為教器之所作言者併潛夫梅詩論列劈江湖集板二人皆坐罪

而宗之坐流配於是詔禁士大夫作詩紹定  
癸巳彌遠死詩禁乃解今此本無劉克莊南  
岳稿且彌遠死於紹定六年而此本諸集多  
載端平淳祐寶祐紀年反在其後又張端義  
貴耳集自稱其輓周晉仙詩載江湖集中而  
此本無端義詩又周密癸東野語載寶慶間  
李知孝為言官與曾極景建有隙每欲尋釁  
以報之適極有春詩云九十日春晴日少一

千年事亂時多刊之江湖集中因復改劉子  
輦汴京紀事一聯云秋雨梧桐皇子宅春風  
楊柳相公橋以為指巴陵及史丞相及劉潛  
夫黃巢戰場詩曰未必朱三能跋扈只緣鄭  
五父經綸遂皆指為謗訕同時被累者如教  
陶孫周文璞趙師秀及刊詩陳起皆不免焉  
案此說與方回所記小異未詳孰是而此本無曾極詩亦無趙  
師秀詩且洪邁姜夔皆孝宗時人而邁及吳



淵位皆通顯尤不應列之江湖疑原本殘缺  
後人掇拾補綴已非陳起之舊矣宋末詩格  
卑靡所錄不必盡工然南渡後詩家姓氏不  
顯者多賴是書以傳其撫拾之功亦不可沒  
也乾隆四十二年二月恭校上

總纂官

臣紀昀  
臣陸錫熊  
臣孫士毅

總校官

臣陸費墀



欽定四庫全書

江湖小集卷一

宋 陳起 編

洪邁野處類稿

余自束髮即喜學詩然隨作隨棄初不留意也甲戌之春家居卧病因復作詩若干首以自當緩憂之一物昔人所謂內壹鬱外揚為聲音者是也遂取曩時所存而未棄者錄為野處類稿二卷鄱陽容齋洪邁自序

秋日漫興二首

江湖久客日思家，坐覺微霜上鬢華。  
節序又催秋後雁，風光爭發雨前花。  
倦遊已夢莊生蝶，不飲何憂廣客蛇。  
怪底朝來衣袖薄，一川白露下蒹葭。

一夕西風木葉飛，畫梁落月淡餘輝。  
銀燈夜照還家夢，金剪親裁寄遠衣。  
霜信早隨新雁至，素書深訝故人稀。  
無因為謝東曹掾，鱸熟蓴香莫便歸。

庚戌正月十四日同友人丁晉年王蔚之謁普

照塔

孤墖驚霄漢晴影金碧眩重來得寓目歸枕尾殘汴緬  
懷何姓人哀禱傾淮甸是身如皎月有水著處現彈指  
徧大千何止數鄉縣惟應因緣地聊爾共流轉顛危悔  
靳馬善涉悟覓扇君看悔與悟只在一轉眄至人獨何  
心示此禍福變當知夙緣定莫作邪道見哀哉衆生愚  
積惡稔天遣云何一朝急賴此香火薦我來適燈夕寶  
蠟明邃殿還揩客眼塵重覩浮屠面朝來墖上鈴告我

風色便平淮一回首岸容失葱蒨

曉過吳縣

舟行有嚴程越國常曉發雙櫓兀殘夢起坐窺落月人  
家岸野水霧雨籠邃閨遙憐瑣窻人歌枕聽嘔軋

陪餘杭張無隅先生飲

先生結屋在人境門巷蕭蕭作冰冷紛紛入眼不入意  
坐客千言不相領叩關聞我倒屣迎重解舊榻塵埃生  
向來妙處久不吐一挽天漢崑崙傾共說別來經世事

我言所向皆兒戲胸中硯礪不用澆便有清愁說無地  
士林師範六千翁先生合在伯仲中願言終賜指歸處  
為君敬作曾南豐

於潛道中

山行厭犖確理策扶歌危綠野三兩家一息知可期冉  
冉青林端炊烟裊晴暉其民豐且樂恐是太古遺那知  
都邑間百索困鞭笞繁華今何有半作道旁羸

度芙蓉嶺

幽泉端為誰放溜雜琴筑山深春未老泛泛浪蕊馥娟  
娟菖蒲花可玩不可觸靈根盤翠崖老作蛇蚓感褰裳  
踏下流濯此塵土足何當餌香節淨洗心眼肉餘功到  
方書萬卷不再讀晚歲窮名山靈苗縱穿斲

信州禪月臺上

玉峰點寥廓霄漢疑可梯玉水環城陰灑灑方拍隄層  
臺擅二美吾策一時攜何當蠟吾屐更欲照以犀塵勞  
不相赦竟類窮途迷我生麋鹿耳不羨駕駱驪向來丘



壑懷語發人所詆長安黑頭公玉勒朝金閨山林出戲  
言廣已無端倪誰收遮日手歸把耕雨犁紛紛塵土中  
等是舞甕雞頗聞山水間幽子飯藿藜行當踐此語絕  
境同攀躋

送渾師住妙香寺元住雲溪

道人捨幽居誰管溪上雲此身自雲耳遑暇南北分頗  
聞妙香山天花雨繽紛宴坐丈室間歷亂舊衲紋山前  
路悠悠山後水沄沄應觀川途客念我奔走勤豈無香

金史卷一百一十五  
卷一  
火緣他年徃相羣飽食跛鐺飯稀摘幽澗芹當令桃花  
臺白社掩前薰

坐睡

坐久睡屢兀手失未了書清風脫然至心醒得我娛起  
看孤隙光了不移鐺銖云何短夢中萬境生須臾嗟彼  
市朝子百巧營其軀安知非夢役過眼滅無餘至人有  
達觀那與世賢愚不須無言子同上崑崙墟

游山光寺

寺藏兩山腹路轉百步陰登高試病脚掬冷清煩襟敗  
壁龕石刻歲月不可尋惟應查公石俛仰閱古今屋古  
困枝挂摧頽力難任何當咄嗟辦嗣彼鐘梵音興衰豈  
關吾得酒且滿斟歸路有溪月攬之醒吾心

送建州徐生

人羈天地間誰非一浮萍泛然偶相值便有離合情君  
家武夷下歸路塵眼明我生愛山者夢寐秀色橫秋風  
送客去把手更心傾亦逢山中人為我寄此聲

贈覺師

覺師儒門秀脫屣世故早那知軒冕味夙悟心已槁唯  
餘章句習心境時相惱如人生於齊而即楚鄉老雖遭  
楚人咻微音或清好固無益生死亦未妨至道家山亦  
何有骭髀衣間窖叢林選佛場一擲想盆倒云何慰故  
居俛仰待華皓他年空手歸子語我為老幸分曹溪水  
萬劫付一澡

休寧村落間有奇石如彈子渦所出宜養石菖

蒲程得藻許以饋我以詩督之

君家綠溪上岸曲溪成渦渦間石無數水感相盪摩誰  
嘗掬而戲一一印指螺我欲往取之擁此菖蒲窠石罅  
注新汲幽姿發清哦夫子許餉我往督書已多願言速  
寄與起此泉石疴

效淵明

人生本無事況我麋鹿姿一墮世網中永與林壑辭此  
行獨何事豈不為寒饑弱歲慕古人頗覺世好卑那知

齒髮邁終然此心違春風到山澤魚鳥亦知時我行何  
日休流目瞻長岐且用陶翁言一觴聊可揮

酬馮退翁見示之什

我家大江左江水日夜東遙瞻發源處乃在西南窮相  
望邈異境正北一水通故令我與子迹遠心自同我生  
寡所諧強顏紅塵中倦飛矯歸翮饑吟咽寒蛩獨欣得  
君子萬慮一笑空時時出秀句醒我如風松當知山澤  
癯不鄙犀角豐彈冠實伊始此生各飛蓬卜鄰固未必

即事聊從容

戲答吳汝能

我生苦中狹與世枘鑿乖平生素心人耿耿不滿懷汝  
能伯始後游世如嬰孩相逢握手語便作塤箎諧時時  
笑謂我如子患未涯執古以規今求合誠難哉涉世幸  
未遠子車尚可回我介足怨忌君通絕嫌猜不見山巨  
源雍容居鼎台不見嵇中散絕交自可哀賢愚心自了  
短韻共一吟

謁吳公路許借論衡復留一日戲作

幽獨不自得，駕言款齋廬。  
殷勤主人情，投轄恐回車。  
轄亦不須投，此去將焉如。  
唯憂酒錢盡，使我詩腸枯。  
會合曾幾何，可復自作疎。  
更當留一夕，帳中搜異書。

新秋

幽人無與娛，耳冷百不聞。  
新米熟未知，但覺市酒醇。  
滄洲散秋色，山水逾清新。  
一醉不忍獨，念我存故人。

道中得雨



我行野田間吁嗟連數村  
千山收宿雨溪作黃梅渾漸  
看風葉底一洗龜坼痕餘功  
被行客稍壓旱塵昏

道中

驕陽久自殺一雨蕩龜坼田夫夢亦好翻隴已幽咽朝  
來喜相語一飽心已決翻翻風葉亂嫋嫋露芒白去年  
禾欲秀積潦滿秋澤今年豈堪旱束手就溝壑我生拙  
謀口藜藿甘如蜜向來真過計憂民豈吾職赤子天可  
憐嗟人獨何力何須事兒戲合沓來賀客稍欣新稻熟

社酒行可覓當同扶路翁醉歸舞南陌

陳伯辨為張氏

前年溪上秋風時主人酒熟烹黃雞歸來醉倒睡便著  
父老喚起牛羊蹊此生一醉寧易得未辨身為貴人客  
征西將軍爾何人那用尊前驚墮幘竭來閩越再經秋  
聞道軒名涎已流懸知得酒推不去此客有轄不須投  
今我正為奔走役空想題詩滿高壁若逢落魄姓回人  
為問何時定相覓

書窓對月

天公自厭雨一夕開寒晴霜風淨曠野鴻落有餘聲  
鴉得林靜霽月縈窓生熨開睡眼色一洗空花橫故人  
千里餘壺濁誰與傾遙知勸影杯共此通夕情今冬有  
奇事三見飛玉英明年溪上路誰餉雨中耕

宿野人家

夢裡滄波搖一葉覺來正受肩輿兀人家一宿晚可投  
新席槁梧香更滑霜前穉稬收百畝稚子新能收鷺鴨

我生本是个中人挾策久矣猶能說

度石棟嶺

我行欲安適策馬踰山樊谷深不可瞬危磴爭猱獮坡  
陀兩山間寂歷三家村茆簷青裙婦蓬髮薪烟昏猷冷  
那可飲分我一掬溫郎樵晚未歸客至不與言不奉沙  
頭卮肯投柳下門作詩配國風行者式其藩

用退之韻賦新霽

春深窘幽步苔上屐痕少新晴一褰衣綠葉藏啼鳥方

塘豔宿漲古鏡窺清曉華顛忽自笑綵羽墮驚矯瞻言  
雲中耕縹緲穹脊繞歸把東皋犁此念何日了

送金確然歸弋陽

昔我雲溪居送子雲溪濱重來問何時笑指溪上雲一  
別四周星坐此世故紛衰顏兩非昔華髮粲可耘我纏  
風樹悲終日無一欣子乃水菽憂尚此奔走勤對床語  
未終懸知便離分霜風吹客袂別意如絲棼子歸葛陂  
上去路接鄉枌歸夢尚隨子何當歎離羣

至日建州會詹士元

嗟予生百憂佳節過倥傯客愁隨綫增歸思與灰動當年從子日未覺百慮重高堂繞床呼一擲有餘勇那知客天涯相對寒骨聳歲月曾幾何鬢絲今種種忍饑山藥煮附煖地爐擁深藏斷還徃衰病脫拜拱興言望鄉關雲物方鬱滯空餘相屬意盃酒久不捧

用前韻答翁子靜

客心既岑寂節物亦倥傯幽籬菊初暗深壑梅已動古

人傲尺璧顧謂寸陰重欲從夫子游掣肘愧不勇松高  
節磊砢鶴老格清聳當知山澤臞誰羨將相種一官繫  
人間叢書以自擁微言聞緒餘三嘆手輒拱青天本寥  
濶不受雲霧滃願言瞻清明茗椀不辭捧

微雨

端居身百憂況乃病貧俱天公頗相哀雨我蔬葑區曉  
晴新青勺日薄生意蘇衛生固未必一飽行可圖故園  
天一涯茅荆誰為鉏崢嶸歲云晚此念當何如

寄題叔父池亭

一壑久藏勝數椽忽開亭方塘蔭瓦影淨見魴鯉行主  
人有嘉招轉枕失高城不知幾搖兀杙舟上崢嶸尊酒  
酌芳綠園蔬煮柔青翩翩射鴨弓一笑翻綵翎那知海  
甌姪斗粟忘歸耕餘生信萍梗歸夢識林垆漲水有回  
波故鄉豈無情一醉會有日因之濯塵纓

贈謝彥翔建安人九歲異人與藥至今不食建  
安有梅子真升仙處



我本世味薄于田足自營年來荆棘盡稍有梨棗萌但  
恐骨相凡未敢希長生陳留達人後未甞犀角盈舊遊  
記三山幽夢徹九清邇來三十年但覺膏粱腥幽尋飯  
綠髓默卧誦黃庭顧我塵土中深慰夙心傾仙人吳門  
卒解后煩寄聲相期朝金闕鶴馭何時征

考亭陳國器以家釀餉吾友人卓民表民表以  
飲予香味色皆清絕不可名狀因為製名曰  
武夷仙露仍賦一首

二年飲水閩中村忽見玉醴傾蠻尊涓涓醍醐灌熱腦  
耿耿沆瀣明朝暎旱塵久漲城市暗渴夢欲挽江湖吞  
何人遠致雙鯉信知我來扣羅雀門不須邀月已清絕  
尚恐慰齒當微溫要從華池吸真液豈獨玄髮憐愁根  
微茫已識投轄客斌媚似返當鑪魂奇功誰續伯倫頌  
妙意要與淵明論胷中我自有涇渭筆下君已傾崑崙  
詩成寄與約他日飲君與我空瓶盆

久旱新歲乃雨

高田土可麗下田不受犁遺蝗憂插喙況乃麥未齊赤  
子天所憐溝壑忍見擠雨逐新歲來停雲忽淒淒莫辭  
三日霖為作一尺泥汪汪既沒膝濫濫仍拍隄漸看蓑  
笠出笑語喧畛畦我欲與寓目父老同攀躋此身羣萬  
生擾擾舞甕雞曾亦無幾求脫粟配羹藜永言故隴耕  
老眼路淒迷好收歛版手鉏耰歸自攜

春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許嗟

予閉門客佳節過不數不因可人呼那得幽步舉客如山陰勝詩作斜川語誰言一尊酒妙處合千古歸來讀殘書耿耿霜月苦空餘流落心三嘆非吾土

蔬飯

歲奉嬰兒手筍解籜龍蛻薦羞杞菊間采劬烟雨外嗟予飯藜藿咽塞舟沂瀨朝來二美兼一飽良已泰充腸我誠足染指客應慨平生食肉相蕭瑟何足賴王郎催牛炙韓老憶鯨鱸俠氣信雄夸戲語亦狡獪我師魯顏

子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能為失此一敵國偉  
哉奇男子俠氣橫八極書生復何者骀騖老筆墨刺口  
論安危事往竟何益匹夫嘯空野驚塵一方塞區區空  
有意浩蕩洗鋒鏑何如吳王孫語輒面浮赤交游得朱  
亥負販鄙膠鬲腰間鐵絲箭上簇紫塞翮一寄百城摧  
燕然誓可勒諸公未備知欲薦恨無力明日我過君烹

牛呼社客當書游俠傳令子姓名白

送僧

空中世界紛河沙不知底處為天涯乾坤百億在指掌  
觸處與子同一家云何猶作去來想千里一跌毫厘差  
坐令契濶費星紀嶺雲欲寄山川遐撥眉相對此何日  
丈室淨掃餘天花詩豪辨舌久投閣萬竅寂歷風無譁  
為君游戲出三昧妙處那復相聲牙徃將妙響應空谷  
一任飛錫凌蒼霞



江湖小集卷一



欽定四庫全書

江湖小集卷二

宋 陳起 編

洪邁野處類稿

書僧房

陸續流泉自成句來擁紅爐聽山雨道人更有深深處  
詰曲如珠蟻絲度几硯無塵寒欲霧雕盤篆破孤螢吐  
味如嚼蠟那禁咀茶甘未回君莫去

題蘆雁屏

征鴻坐何事天遣南北飛蕭然如旅人無情自相依孤  
葦吹欲折秋風不勝威冥冥一孤騫空費弋者機寒聲  
落烟渚相應不我違嗟我識此情手納空歎歛安知丹  
青師落筆乃庶幾畫形孰不工畫意識者稀他時因吾  
句購此千金揮

題臨賦軒

蒼山圍岑寂下有一水奔閉戶卧風雨束蒿翳離藩寥  
哉祇樹人心遠忘世喧此身自蘧廬長物餘此軒鳥語

幽夢斷香橫經帙翻未成借路行自要窺潺湲遠師淵  
明意不愧靈徹魂月度了無迹風行偶成痕心境兩清  
妙尺喙何由吞賦詩安所取碧雲未足論何當拂朱絲  
窈眇絃吾言

答併安江師送米

不見道人久天涯歲云除朝來食指動忽接送米書念  
師折脚鐺五合未省餘雖無覆餗禍尚有乞食逋云何  
憐孤客日受饑火驅未曾貸監河矧肯索胡奴誰言升

斗意矯矯超萬夫嗟予事筆耕輕棄南畝鉏恩煩方外  
客此計良已疎何時事粗了歸葺五畝居生涯寄綿竹  
豈即非良圖不為泉壤蚓願學江湖魚

陳德瑞饋新茶

空山冥冥雲霧窻春風好夢倚殘缸朝來果得故人書  
微凸而么犀銙雙貴人爭買百瓔珞此心兒女久已降  
坐觀市井起攘袂念之使我心紛龐領君此意九鼎重  
雖有筆力安能扛何時來施三昧手慰我渴夢思長江

次韻希旦喜雨

驕陽挾酷暑何啻虎而翼高田土可麓況乃耕與殖風  
伯真可訟雲合吹復拆那知下土民糟粕配橡寔古佛  
棲巖隈旱沴豈吾責應緣賢令尹閔雨丐法力積陰暝  
山谷流潤淒几格朝來賀客散置酒浣愁疾古詩成雲  
外險句動潛蟄旋看蓑笠出競喜溝澮溢謹言令與佛  
念我一何悉嗟我困蒿藜最覺民可恤何當問牛喘免  
使訴魚失九關虎豹守懷此欲安適誰哉此心同吾飽

將何日

古風二首寄汪明道

紫蘭初茁芽深壑終自秀  
翫蕭艾中不采則誰咎  
兒曹逐紛華壯士保窮陋  
應知此調同萬世無先後

俗士白人眼從誰明此心  
不欲故人見訶我車轍深  
蕭然江上廬客卧詩書林  
得句不相寄誰賞氣駸駸

建安道中

吾生意行初不謀汎汎何  
啻波中鷗攜家來作閩海  
夢

三年客食天南甌我先人廬在何許大江之左道阻修  
奉新家有手足愛隻身歸掃先梧楸旋當來此營斗粟  
南北顛倒無時休此心轉與世事左自作磨螳將誰尤  
安知不滿達者笑窮達一戲如觀優咄哉吾語亦已墮  
且與造物同浮游

書事呈元聲如愚起莘三兄

隱吏朱墨暇飽眠北窓風時呼方外客逃暑尊酒中寂  
寞杜拾遺四壁口不供坐取盤餐疑哀哉豈天窮何如

平生友磁缺間不容每懷千里駕今作五斗逢吏行散  
鳬鷺楸局收鸞龍共話十年舊事往如飛蓬浮榮真一  
戲何者為窮通應須河漢語淨洗芥蒂胸僕夫適在門  
客醉尊亦空更為後日約及此芙蓉紅

寄題起莘家義軒

貞觀盛德後餘慶未渠央舊聞閩海家欲縱燕山芳教  
子嗣先訓開軒翼中堂地偏市朝遠几淨書簡香先生  
陳太丘飯糜百憂忘弟子真胡羯不聞觸屏僵一變豪



俠窟遂成鄒魯鄉下車里門外他年看諸郎坐上紆素  
髮洗洗立冠裳我詩自可絃請以侑壺觴

梅花

山深春未動沙淺水欲冰玉梅於此時靚妝畧無朋露  
蕊欲的皪月枝挂鬚髯儼如江漢女可愛不可陵他年  
江南路曉粧犯嚴凝尋香烟雨中橫斜插茅簷却數今  
幾日痴如秋後蠅北嶺枝欲空誰與扶一登聊分窺水  
影依我照字燈坐使惜花夢臨風脚騰騰昔如夢中蝶

今學桑下僧了知菩提長念起吾何曾

十一月十九日與仲猷大年綽中美中飲于南

臺

空山欲暝雲冥冥玉梅半開吾眼青此身垂欲走塵土  
聊復舉酒看崢嶸折腰向人不知恥故園可鉏在千里  
金昆石友一開眉珍重道人相料理楚江東岸先人廬  
竹君安否久無書歸歟何時應白首我食吾言如此酒

春社齋禁連雨不止賦呈夢得

歲豐農猶飢歲惡何可說哀哉半菽氓罪歲同一舌年  
來旱塵漲臘盡不見雪青皇忽雨我萬頃麥苗活令尹  
民父母溝壑思手挈祈年被齋居有酒不忍設那知桃  
李徑狼藉香泥滑芳意一如此坐恐及鷄鵲郊原佇開  
晴出勞南畝饁秋成已在眼一醉宇宙豁更呼蓊裙人  
勸此側帽客和公斜川詩磨石鏡歲月

次韻夢得見示長篇

雉馴不因媒鳩煖自呼婦詩成桃李陰知是霹靂手簿

書我亦厭丘壑渠自有却憐支離疏飽食得薪樵俗夫  
嘗世味甘苦半噦嘔知公超然處心迹兩無垢愁陰老  
芳物蟲鳥故相誘浪蕝費收拾柔條可給揉豈無我輩  
人一醉開笑口那知市門底客倦枕兩肘眼高可人稀  
命蹇亨運偶平生願執鞭見惠予小友細觀愷悌心宜  
在帝左右却來塵埃中寂寞對五柳轂音藏鵠羽正待  
荆雞剖學政容窺譜問字當載酒虛名翻悞夢恐坐箕  
與斗言詩終不稱永愧賦瓊玖

久雨短句呈夢得

身間書有味吏傲俗不親小窓據物表掃盡心眼塵令  
尹垂珠玉敲門喚行春作意向芳物吾車曾未巾愁陰  
入病骨鳩婦聲亦嗔冥冥三日雨桃李迹已陳空餘深  
枝間一一青子新穠芳殿春晚猶堪慰佳辰醑醺曉粧  
靚芍藥醉臉勻白萼簪嫋嫋風枝倒粼粼言當呼短舞  
抵掌回雙顰年來得相從稍覺安沈論豈不挂俗事察  
公極清真眼中醉鄉路風味良獨醇流光不容玩尺璧

何足珍漓俗益可厭願言勤問津

牡丹醪醕各一首呈周宰

珍藂壓朝露無人羞欲歆春風醉香骨綽約不自持誰  
憐曲肱人一笑遣穠姿不言意可了君醉當弗疑

妝淡洗逾靚肌香薰不成皎然月露姿一笑午景晴聊  
移夢蝶床相對戶不扃誰令風雨暴睡起春縱橫

次韻夢得淺紅芍藥長句

十日愁陰病不出卧看春歸無計惜詩翁遣送淮海春

衰眼熨開雲霧拆胭脂注臉勻未徧月紅借酒生真色  
了知造物著意深傾倒春工不餘力年來不顧漆洧女  
載酒非公復安適且將妙句寫餘妍欲立佳名付精識  
一春頗困歌酒汙回首紛華三太息願言付與洗心方  
歸對爐香誦周易

宿禪寂院

夢中一葉搖江湖困睡不覺身籃輿眼明佛屋麗丹碧  
瓦鴟鵂鳳凌空虛疲民日者困苛索半作頰尾相濡魚

鵜鴟數罟兩不置肯念竭澤明年無道人誰與辦此事  
斤琢千指開渠渠頗疑如幻三昧力上方手攬歸吾廬  
了知舌本法輪轉咄嗟檀施爭奔輸不辭割愛一念善  
誰謂歲惡窮民愚書生袖手對溝壑力不能援心煩紆  
事無大小成者少談說治亂何區區調悲絃急誠齟齬  
鑿圓枘方尤濶疎古今罪歲同一口撫掌一笑皆愚儒

詩約范直夫遊萬葉寺觀瀑泉

范侯隱下吏夙尚本丘園身投攫金市聚書以自藩烟



然如孤月不受黃流渾要知句律工競病何足論我生  
羣末俗涇渭同一源同心無楚越傾盖如弟昆人生各  
有役不暇捧一尊風蒲挂南浦念欲東西奔對床定何  
夕青燈照晤言懸知題詩處千尺銀河翻

次韻夢得見示之什

居楚求齊音美惡不同土喧厯俗物華羣復有佳處時  
從玉璧人商畧窮萬古詩如粟牛戲誤得摩頂許望道  
渺逾遠久生真暫寓忍持尺璧陰空作秋蟲語微言儻

傾倒河漢濯肺腑向來說詩口自此行可杜

送甌寧魏生赴武舉

建安少年請纓客橫槩賦詩兩無敵辭家去作入彀英  
氣拂天狼夜無迹廟堂運策開鴻圖智名勇功付壯夫  
引弓沒羽世自有敢問上策當何如

陳仲仁止止堂

以我有限景逐彼無涯知失足踐畏途投身試危機舟  
車日奔覆定無立與夷萬古踐此轍嗟我與誰歸仲仁

古靜者懷璧照褐衣名途嘗一戲回首羞前非心如得  
坎水不受狂風吹功名憂不免當復定何之請觀本無  
作今復止者誰築室市門側著書園不窺蓬蒿深一丈  
圖書周四圍時有好事人載酒問所疑搜金奮敏手倚  
市誇妍姿回光時自照何者非吾師

送志宏西上

九州眼一概餘子真瑣瑣嶽立崕嶺中喜此高岷峨如  
公吾輩人取友亦到我揮毫賦垂天風雨卷蓬顆相期

八表游未覺夙心左解龜醉江閣酒面山月墮起瞻帝  
鄉雲感嘆不成坐何須飛霞佩自辨凌風舸瀛洲渺溟  
渤萬里一掀簸緘詩寄天涯秉燭對新火那知市門仙  
斗祿事么麼空餘腸九迴上疏何日果

有懷舍弟逢年時歸婺源以詩督之

木落天未霜君歸定何時相思如驚鵲中夜未安枝夢  
中見阿連鏘然咏新詩寤驚衰葉翻道是步履移攬衣  
下中庭風露浩淼彌遙知客衣薄歸來一何遲平生短

檠燈相對忽解頤萬古一舒卷佳處良在茲是中及物  
心上與稷契期援古以自例自笑無乃痴夜久叱九關  
側足不敢窺坐令一寸心日抱二柄疑遲君商畧此免  
得兒輩嗤況乃綠髮親倚門鬢欲絲猗膏非鳳喙車轄  
無可脂再拜壽百分斑衣舞參差秋芳未云歇采采黃  
金蕤萬鍾不足樂古人豈吾欺

九月十七日夜度蔡道嶺宿彌勒院

日出度松嶺露香霏羽衣肅肅夜氣清蒼蒼烟徑微川

光浴秋容蘿影挂夕輝冰輪碾空濶飛轍無因依擬掬  
星渚波恐觸天孫機幄佺何時見沆瀣聊獨揮未應青  
霞志即與素願違稍休塵外軫憇此巖下扉清吟寫萬  
籟妙想絕百非不須河漢言盡解紛華園飛仙亦戲劇  
玄學乃庶幾鰲山切丹極歲晚行將歸

游鄭圃

城郭不去眼而得林壑娛低徊撫壯心欲吐無與俱鏗  
然一枝筇細磴爭樵漁挽衣竟與飲不省誰為吾

女貧苦難妍

女貧苦難妍士貧苦難高了知論此者不識一世豪此  
身百斛鼎流俗手欲操寧當捨其中局促計所遭頗疑  
有若人骯髒棲蓬蒿考槃一丘壑光景不可韜斯人不  
我忘空復踰垣逃軒裳亦云華唾去如腥臊哀哉夸毗  
子擾擾冠猿猱恬無濟世心閔默死滔滔竭來事斗祿  
俛仰身桔槔一官戲人間幾何非饕餮誰言眷此幘擲  
去輕秋毫區區欲驕士一哭嗟兒曹

溪南梅花

巉巉石徑鳴枯筇意行詰曲無西東  
心知幽壑梅已動一枝寄我曾未蒙  
暗香橫露忽驚顧冰蕊的皪蠻烟中  
有如佳人久去眼邂逅相得情何窮  
蔬畦壓霜翠雨亂已覺雪片棲丰茸  
嗟吾辜此來已晚攀條嚼蕊聊從容  
玉仙遊戲下塵世絕豔一洗朱鉛空  
不知閨苑在何許叱回風馭母匆匆  
溪寒沙淨迷俛仰坐待山月來朦朧  
豈無尊酒相暖熱錦裘起舞如驚鴻  
仇池老仙羽化久



妙曲三疊餘仙風歸時醉倒不知卧明日來此誰能同

再和求首座

道人昔曳羌廬筇五老負雪湓江東犯寒貪覓玉梅句  
雖有衲被何曾蒙歸來苦雨熟梅子卷械深卧蠻烟中  
詩傳絕境忽入手置我鄉國情何窮十年不踏江上路  
漠漠海氣昏貂茸異鄉歲晚慰流落一笑賴此冰雪容  
嶠南絕唱誰敢和騎鯨人去塵寰空崑墟下視堪笑閔  
雕琢肝腎愁匆匆那知幽子雲雨上風斤玉斧脩臃腫

讀詩令我一回首杳若目送孤飛鴻何時晤語折鐙側  
坐聽萬籟號天風拈花特地兩顏解他時與子真參同  
奉酬令德見示長句

閒官屋舍如幽棲寒苦餘業償鹽齏忽聞鵲聲作破竹  
尺書入手誰所齎交游勝絕似公少矯矯鸞孔依蒿藜  
青冥側足在咫尺誰使狡獪捐其梯秋風溪上共尊酒  
擺落羈束忘畛畦紅裳起舞意未足缺月銜嶺星河低  
只今跌宕走塵土清夢徃復無山谿新詩驚怪爛盈幅

筆力拘怒蟠虹霓遙知槃礴小窓底得喪已著一理齊  
此生同困造物戲未覺與世誰雲泥雖無絕唱追白雲  
賴有妙契如靈犀一笑從公豈無日挽袖相屬空玻璃  
不須俗物敗真賞但覓佳處同扳躋

答林康民見和梅花詩

寒崦人家碧溪尾一樹江梅卧清泚仙姿不受凡眼汙  
風歛天香瘴烟裏向來休沐偶無事誰從我遊二三子  
鸞碕曲徑一攜手凍雀驚飛亂英委班荆勸客小延佇

金八八八二  
卷二  
酌酒賦詩相料理多情入骨憐風味依倚橫斜嚼冰蔬  
至今清夢挂殘月強作短歌傳素齒韻高嘗恨句難稱  
賴有君詩清且美天涯歲晚感鄉物歸歟何時路千里  
柁樓一笛雪漫空回首江亭淚如洗

上丁餘膳置酒招綽中德粲德茂逢年

我生無幾求畢願老葭莢誰令事斗祿飯糲羹不糝書  
生亦可憐微物有先感朝來食指動膳肉豐咀啖恭惟  
魯司寇道大長壩坎空餘祠千載不救陳蔡慘永言百

世師願學吾豈敢當饑不忘歌既飽復何憾安能如王  
孫長物貯願領急呼講肆人一醉捨鉛槧相攜桃李徑  
歷亂蹴紅毯言強三尺喙氣溢一身胆平生超然處獨  
嗜逾昌歎詩成持似君莫遣兒輩覽

用綽中韻送正臣正臣欲歸隱而無資故廣其  
意以告識者云爾

華裾錦領烏紗幘氣蓋當年五陵俠胸中硯礪不可平  
拂衣歸來抱長缺軒然寄傲楸枰間長恨坐隱非雲山

相逢笑我眷微粟我歸未可君何難世人錢作牛吼音  
誰能立談壽千金空令擁鼻誦招隱知君心在仙峰陰  
故山自欲無歸期作詩但擬淵明詞却愁他日林下信  
千里寄我唯當歸

秋懷六首

庭柯一葉失風挾涼氣歸湛湛陂水清芙蓉脫紅衣非  
無岑寂士句法妙玄暉獨懷履霜戒德人貴知微

真儒六經學文字聊解紛長孺棄諸侯漢庭相公孫兒

口乳未乾妄作黑白分誰能領斯會事徃風中雲

導江自岷山源淺觴可濫下集大小川千丈水府暗策  
策井桐寒炯炯窓月淡後生抱奇志黃墨勤點勘

市朝富危機匹夫死馮河何如狎鷗子烟雨同一波行  
藏各有趣不在相詆訶我師陋巷人千古冠四科

穿堵超玉繩倒影夜窓寂火雲一洗空月露清欲滴幽  
人負疴卧起坐三嘆息歸同對床第晤語永佳夕

掩窓耿不寐道人亦無悰故山新稻香粥魚響枯桐夢

中信了了推枕聞西風少遲穉金壯歸轡與子同

逢年與德衆同之溫陵謁大智禪師醫作四小

詩送之

丈室揜槐夏與君同卧疴平生莫逆人裹飯誰見過躋躋起鑑井萬古寂不波觀心要知是造物如吾何

六年別故山松竹故無恙此身已天涯飄走復何向清源老醫師砭僂出投杖勿辭一徃勤挹彼上池漲

石梁跨螭山永與方壺久憑君持一盃徃酌濟川手遙



知相攜處溟渤浸箕斗作詩問大鈞猶有斯人否

山河我四大物我同一體誰為疾苦癢搔按不容擬多  
生抱此念耿耿未云已那知知魚樂更有濠梁子

與陳彥時會華嚴道人偶書

屋頭烟雲屯屋下波濤喧團團坐已久起扣丹霞門客  
至苦舌強目擊翻無言元龍湖海士懷哉夙契敦清坐  
鼎足峙妙語流潺湲君游華嚴海貝葉手自翻此心於  
身世鳥度空無痕笑我流浪中久被業識吞讀書談古

今綺語生禍根望道渺未見況乃躡其藩職卑困掣肘  
見溺不得援未知造物心頗復哀黎元近窺顏稷意未  
敢遽揜關躬耕亦細事會要五畝園釋羈牛在牧駕鼓  
馬伏轅居然見優劣不比魚熊蹠持問跣趺人一笑霜  
眉掀相攜妙峰頂暝色窺遠村解衣略輩行班坐寥芳  
蓀欲歸意未已幽境相與捫蒼崖出玉醴不受瘴毒溫  
願言同酌此我語庶不謬

書耕欄院壁

側身西來度千山列仙仙去空孱顏斗升自役應笑我  
何苦詰曲戲塵寰歸耕無田仕難合疑此二柄首鼠間  
摩娑崖石三歎息我心安得如汝頑

次志宏韻督成壽置酒

歸耕食吾言回首媿江水方爭揚子席誰置穆生醴鄧  
侯傾蓋舊小寢菰桃李走書納啗我涎迸齧唇齒朝來  
獨何事怒色劇染指雖微射鴻游顧有捩手鬼平生談  
天口得酒便鋒起年來病不觴但要謳貼耳真成蛇畫

足足就酒空矣樊川吐怨句想見紫雲美何時咄嗟辦  
一醉吾亦擬嚙沓聽羣兒口寔爭笑鄙

江湖小集卷二

欽定四庫全書

江湖小集卷三

宋 陳起 編

釋紹嵩江浙紀行集句詩

余以禪誦之暇暢其性情無出於詩但每吟咏信口而成不工句法故自作者隨得隨失今所存集句也乃紹定己丑之秋自長沙發行訪遊江浙村行旅宿感物寓意之所作越壬辰五月中泚嘉禾史君黃公尹元以大雲虛席俾令承乏八月初九日永上人來

訪盤礴旬餘茶次每炷香請曰師遊江浙集句諒多  
可得聞乎予謝曰不敢永曰禪心慧也詩心志也慧  
之所之禪之所形志之所之詩之所形談禪則禪談  
詩則詩是皆遊戲師何媿乎予謝曰不敢力請至再  
至三又至于四遂發囊與其編錄得三百七十有六  
首離為七卷題曰江浙紀行以遺之二十二日廬陵  
亞愚樵衲紹嵩序

發長沙

秋入長沙縣無人畫得成曉風輕浪疊落日亂蛩鳴一  
雨洗煩熱千山指去程回期誰可定行樂且吾生

郎士元

方干

韋莊

希畫

翼中

祖可

脩睦

誠齋

### 舟發清江

穩泛一船東生涯真轉蓬烟浮平野碧波軟夕陽紅浦  
樹家家異風光處處同回看蒼木杪眼界入雲中

曉瑩

張耒

李子西

王大受

陳瓘

張耒

曉瑩

鄭工部

### 感山書事

愛此棲心靜陶然度歲華放慵真有味化俗獨無涯隔  
沼連香茝疎籬帶晚花細評清絕處倚杖看蜂衙

方干

杜工部

吳損之

杜工部

陳與義

張君量

栖白

李彭

曲江解舟

動靜非常態此行風正秋巉巉孤棹起渺渺大江流蟬  
噪日將落烟生山欲浮無心與時競吟凭釣魚舟

希畫

曉瑩

鄭谷

陳與義

林和靖

王荆公

陳克

韋莊

江亭小憩



不到茲亭久軒窓眼界開江流翻白浪樹影掃青苔有  
鳥銜花出無人送酒來快然心自適此地亦悠哉

曉瑩

薛舜俞

賈島

賈島

梅聖俞

岑參

陳與義

蘇子美

### 舟中口號

閣阜風烟外殘蟬送客愁雲連平地起水帶斷槎流樹  
隱重重竹江呈岸岸秋晚來供望眼微徑雜歸牛

誠齋

吳中

曹緯

誠齋

誠齋

曉瑩

陳與義

### 臨川道中

歷歷泓荒岸初聞落日蟬江花鋪淺水村館復臨川  
徑仄傍無地峯回別有天吾行吾自返茲意與誰傳

皇甫冉

鄭谷

李嘉祐

王昌齡

誠齋

于湖

誠齋

李嶷

客思

欲暮多羈思客行悲故鄉背關餘古木落葉墮寒霜  
驛樹收殘雨柴門掩夕陽此身南復北雙鬢易滄浪

賈島

溫飛卿

方干

賈島

皇甫冉

許渾

李彭

吳中

遊古寺次朋上人韻

黃葉前朝寺攜朋上故基近山烟外遠芳草露中衰  
磧磧風吹面霏霏雨散池旅情何計是排悶強裁詩

司空曙

曉瑩

誠齋

戴叔倫

寒山

誠齋

林和靖

杜工部

### 旅次

樹勢分孤疊江流復舊痕斷橋斜取路小徑曲通村  
山疊雲霞際林垂橘柚繁箇中有佳句欲就已忘言

希畫

杜工部

楊濟翁

杜工部

方干

鄭谷

陳興義

張君量

### 晚泊了頭巖

旅泊依村樹高吟似得隣斜風吹敗葉落日照行塵擾  
擾成何事飄飄任此身客心君莫問贏得鬢如銀

孝元帝

貫休

杜荀鶴

方干

陳與義

曉瑩

誠齋

誠齋

道中即事

饒水回回轉白雲西復東日斜喧急雨天開退飛鴻薄  
暮沁西峽隆寒正北風茲行有勝事未敢歎途窮

誠齋

孟郊

李彭

潘邠老

許渾

曉瑩

誠齋

李子西

舟中值雨

客路雨連日吾身良可嗟蕭蕭打蓬急脈脈受風斜野  
望迷青草江聲走白沙今宵何處宿欹枕聽鳴蛙

劉寢

彭止

誠齋

曉瑩

曉瑩

杜工部

保暹

虞祖南

### 題山寺

江上山頭寺陰堦竹掃苔舟橫漁唱晚松暮鶴飛回野  
渡花爭發春荷葉半開嬉遊不可極留眼要重來

杜荀鶴

劉得仁

曉瑩

司空曙

李嘉祐

楊巨源

宋之問

誠齋

### 憩江寺

衆岫聳寒色長溪抱碧岑波傾三峽急樹合四時陰野  
寺江天豁禪房花木深幽簾宜永日閑坐聽春禽

賈島

許渾

徐俯

張拭

杜工部

常建

羊士諤

祖詠

題園菴

地僻無賓侶林疎露短籬紫鱗衝晚浪白鳥占閑池柳  
色濃垂岸桃花濕滿枝一僧年八十邀我覓新詩

王藻

文兆

易齋

林和靖

李建中

陳與義

賈島

誠齋

江上

弱柳垂江翠驚湍拍岸浮烟生山欲盡春半水爭流棹  
倚袁宏渚雲凝庾信愁艱難念時事衰謝不能休

惠標

祖可

宇文昶

陳與義

鄭谷

韋莊

于湖

杜工部

偶作

孤錫依京寺悠悠過一生有山供傑句無地可歸耕燕  
競波中影碁添局上聲流年衰此世寂寞不勝情

惠崇

姚合

張君量

杜荀鶴

誠齋

杜荀鶴

賈島

傅翼

言命

宇宙雙蓬鬢昇沈儘聽他僧居隨處好身事逐年多異  
國逢佳節流光等逝波無謀長妾命言命欲如何

許珩

誠齋

溫飛卿

杜荀鶴

韋莊

賈島

雍陶

鄭谷

題靈隱

古剎藏幽勝山門九里松飛空花片片落澗水淙淙華  
積池邊路雲生戶外峯幾因留我宿吟到五更鐘

張鑑

賈島

徐俯

曉瑩

鄭谷

露一

簡長

誠齋

野眺有感



流落復蹉跎生涯總幾何  
羈遊故交少歸思夜深多  
縱目懷青島遙天浸白波  
誰令貪眺望到處被詩磨

鄭谷

耿緯

方干

翁宏

鄭谷

處默

誠齋

杜荀鶴

### 登城

奔走倦塵埃登臨亦快哉  
江城含變態蹤跡共徘徊  
古殿桐陰合秋山曉翠開  
相逢吟未足更擬上高臺

杜工部

陸游

杜工部

關人武子

王鈇

劉得仁

陳堯佐

李昭玘

### 紹興道中

古岸侵烟出沙岡擁地形斷橋人寂寂竟日雨冥冥丘壑胷中事乾坤水上萍詩成何用好聊以記飄零

行肇

賈島

蘇常

杜工部

薛舜俞

杜工部

誠齋

張君量

夜汎有懷

獨自上孤舟通宵浪打頭天風隨斷柳江月值新秋忽忽忘年老忙忙汎夕流此生成底事誰不遣吾休

鄭谷

陳師道

杜工部

岑參

陳與義

孟郊

誠齋

誠齋

天章道中

十里尋幽寺江山幾路分  
逢人問息耗指路上高雲極  
浦明殘雨寒流疊細紋  
野鴉無意緒嘹唳傍溪濱

賈島

郎士元

李彭

趙嘏

鄭谷

廖凝

杜工部

貫休

### 登杖錫

登寺尋盤道那知是與非  
凍泉依細石寒日淡斜暉  
村路飄黃落山禽凌翠微  
數聲牛上笛老淚欲沾衣

方干

賈島

杜工部

方干

林和靖

溫飛卿

韋莊

陳與義

### 遊雪竇遣興

此地人遊少凭欄興莫窮雲蘿難透日喬木易高風書  
滿開窓下雲生閉目中焚香賦詩罷頓悟衆緣空

戴叔倫

邵康節

方干

杜工部

鄭谷

賈島

杜荀鶴

李彭

題海智寺壁

步步入山門門前衆水分上潮吞海日古廟聚寒雲樹  
影中流見秋濤隔嶺聞還應覓新句不琢自成文

杜荀鶴

鄭谷

郎士元

文兆

張祐

林和靖

薛能

誠齋

至保福精舍

山水尋吳越，搜奇事轉新。  
松風知近寺，檣燕語留人。  
雨過閑田地，雲饒落日春。  
登臨獨無語，泉石自相親。

孟郊  
脩睦

林和靖  
鄭谷

徐俯  
鄭谷

杜工部  
懷楚

### 客夜偶成

萬里長為客，窮愁豈自寬。  
年衰髮種種，幽集夜漫漫。  
風卷湖烟靜，雲收溪月寒。  
天涯少知己，唯有醉江干。

王令  
王廷玉

杜工部  
法燈

曾誠  
曹緯

張潔  
陸游

### 江上晚望

沙晚低風蝶汀烟入夜舟日依平野沒月湧大江流書  
懶聊停眼詩成自點頭此時臨水歎一倍不禁愁

杜工部

方干

曹緯

杜工部

誠齋

齊己

江總

戴叔倫

丈亭登舟有感

未厭長為客孤舟趁夜行不唯山水樂頗覺夢魂清風  
緩帆舒卷雲行月送迎勞生誰獨免空復歎勞生

曉瑩

俞元廣

翁元廣

春敏學

張君量

誠齋

誠齋

溫飛卿

送別周上人

此地是何鄉懸帆興甚長山光分首暮草色入林香斷  
嶺雲歸白棲鴉噪日黃他年重會面玄鬢莫疑霜

韋莊

鄭谷

賈島

皇甫冉

曉瑩

繆瑜

王操

皇甫冉

### 鳳山西亭戲書

日日西亭上凭欄取次看繞崖雲慘慘浥屨露團團書  
景委紅葉松香掩白檀平生勲業意開鏡影相懽

無可

曉瑩

曉瑩

曉瑩

司空曙

齊己

夏倪

張鑑

### 山居遣興

百衲老空林疎慵倦九箴浮沈千古事去住兩鄉心絕頂無禪侶忘言有匣琴感多聊自遣時復一開吟

皇甫冉

溫飛卿

薛瑩

羊士諤

清塞

羊士諤

韋莊

陳與義

湖山堂晚坐

木葉落時節湖山向晚晴移床橋上坐看客海邊行寂寂饒孤興悠悠送此生遣愁聊覓句那敢謂長城

杜荀鶴

皎然

誠齋

杜荀鶴

曉瑩

陳與義

誠齋

曉瑩

遊吉祥登棘菴別業



屋在瀑泉西看來路轉迷松風清颯颯秋日正淒淒  
海鳥和濤望山鼉隔水啼何須更飛錫祇此是曹溪

王建

誠齋

寒山

江總

尚顏

賈島

懷古

鄭谷

### 寫懷

養拙甘沈默蕭條古寺間中心無所媿在世有餘閑  
夢釣鷗邊雪鐘鳴枕上山徘徊興幽熟何處不開顏

雍陶

杜荀鶴

邵康節

杜荀鶴

誠齋

杜荀鶴

曉瑩

于湖

### 鳳山即事

久欠遊山債因尋溪上村風沙輕漠漠烟樹遠昏昏土  
甌封茶藥石泉通竹根搢筇聊小立老子笑無言

鄭工部

盧綸

曉瑩

徐俯

李賀

賈島

曉瑩

誠齋

尋訪廣福

舊邑浮航外青山千萬重訪僧舟北渡歸寺海西峯薄  
薄雲收日微微雨灑松可堪添客恨聞打暮天鐘

薛舜俞

陳羽

韋莊

賈島

誠齋

賈島

劉昌詩

賈島

次韻王東之郊行

杖履尋春事，偷分暇日工。  
幽花歆照水，獨樹迥含風。  
路極陰溪裏，桃開曉色中。  
一年春好處，分付少陵翁。

祖可

杜工部

曉瑩

方干

方干

樓蟾

誠齋

誠齋

### 酬顏仲華

客子愁無奈，年來鬢已秋。  
塵埃自衮衮，勲業轉悠悠。  
高露沈晴樹，山雞舞畫樓。  
惠連有新作，一覽病應休。

陳與義

齊己

蘊常

繆瑜

宇昭

杜審言

司空曙

誠齋

### 郊行

桑柘晴川口林深一徑存披雲登斷嶺隔水見前村春  
去花無跡崖傾洞有門郊行聊著眼疑是武陵源

盧綸

戴叔倫

曉瑩

誠齋

李彭

李彭

誠齋

王荊公

代顏聖聞次韻

渡口水流急憑欄凝睇勞遠山楓外淡矮竹茆邊高古  
木叢青靄鱗魚喫白濤幽閑無箇事痛飲讀離騷

蕭國輔

林和靖

誠齋

誠齋

處默

李賀

劉淮

張祐

次韻梓上人

一身無定處誰見寂寥心始為江山靜徒云寒暑侵少  
孤心易感漂泊病難任未遂長棲此孤懷自不禁

惟審

方干

杜工部

方干

楊徽之

鄭谷

希畫

林和靖

江湖同避地老眼不供愁閱世臨觀美出門聊散憂漁  
鹽橋上市河漢島前秋奔走何時了如今悟解不

皇甫冉

陳克

徐俯

陳與義

溫飛卿

賈島

誠齋

誠齋

投宿寶覺精舍

驛路向山郭江籬滿意馨遠雲收海雨獨樹隱沙汀桑

堪累累紫杉栽處處青夜投寶覺寺重上竹西亭

林和靖

黃庚

清塞

行肇

曉瑩

張君量

于湖

呂居仁

錢清解舟有感

解纜浙江頭真成汗漫遊山川元歷歷雲水自悠悠舉

翮籠中鳥歸心水上鷗夕陽誰共感一雁度南樓

繆瑜

陳克

曉瑩

王建

賈島

誠齋

韋莊

司空文明

蕭山口占

水鳥迎秋舫紅輪映曙霞冥冥小江樹淡淡滿枝花碧

草望中去青山郭外斜天涯重回首回首重傷嗟

王安國

溫飛卿

呂居仁

陳與義

誠齋

孟浩然

王大受

張君量

待舟西興遣悶

海湧銀為郭吳疆與越連有山來枕上無酒到愁邊烈  
烈寒風起悠悠落日懸孤舟未得濟少駐祖生鞭

誠齋

杜荀鶴

賈島

潘邠老

唐太宗

曉瑩

王昌齡

翁元廣

通判曾溫伯生日

玉歷標人瑞膺門鶚獨先風雷開盛旦嵩嶽降真賢壁

暗詩千首官當歲九遷得知眉壽永何但八千年

溫飛卿

翁元廣

夏倪

韓駒

道潛

山谷

俞元廣

誠齋

今代文章伯長哦氣吐虹揮犀聞妙論許國見深衷美  
價方稀古離騷繼雅風慙慙一雙眼看到火城紅

夏倪

翁元廣

曉瑩

道潛

韋莊

包佶

陳克

誠齋

書事

松蓋環清韻秋風倚杖前棲毫思確論擊竹自忻然高  
鳥翔雲外孤亭恰水邊幽居經宿雨無處不潺湲



許渾

李彭

孫僅

翁元廣

李子西

誠齋

唐異

范仲淹

# 咏道中所見

倚杖寒山暮，高杉韻細颺。  
歸舟藏別浦，落日映荒陂。  
碧澗流紅葉，黃猿領白兒。  
石橋南畔路，岑渚復幽奇。

李頎

賈島

蘊常

曉瑩

蘊常

貫休

懷古

賈島

# 憩靈隱寫懷

莫恨征途遠，題詩記獨遊。  
十年行路飽，萬里此生浮。  
宇宙知何極，山川慰久留。  
倚欄哦五字，不覺散人愁。

欽定四庫全書

卷三

高適

陳與義

誠齋


陳與義

齊已

陳與義

曉瑩

高適



江湖小集卷三

欽定四庫全書

集部

江湖小集卷

四至七

詳校官中書臣張姚成

助教臣常循覆勘

覆校官主事臣龔敬身

校對官助教臣胡予襄

謄錄監生臣何霈霖

欽定四庫全書

江湖小集卷四

宋 陳起 編

釋紹嵩江浙紀行集句詩

雪後復雨過西湖

觸目成幽興詩吟十數篇  
風傾竹上雪鳥度水中天  
急雨泅泅日迎人  
小小船更逢清管發聲到客愁邊

鄭谷

賈島

盧綸

張君量

寶曇

戎昱

郭和貞

誠齋

棲霞道中

路僻閑行遣溪將晝通飛泉高瀉月細柳亂搖風畎畝孤城外山川暮靄中曠然忘所在心與白雲空

惠崇

杜工部

鄭谷

邵康節

方干

白樂天

曉瑩

范仲淹

題白蓮園亭

塔影挂清漢分明雨後山雲寒湖貼貼錢樣菊斑斑有水園林活無風溪樹閑臨流興不盡復自竹中還

蔡母潛

邵康節

陳與義

蘇常

郎士元

雍陶

徐俯

泛湖

久客欣無事扶衰上野航迴雲覆陰谷初日放晨光楊柳千尋色荷花一路香西湖天下勝誰與共平章

曉瑩

王荆公

李頤

李商叟

樂府詞

呂居仁

張君量

曉瑩

同粲湛二士人遊北山

二子依公子南山度北山興隨流水遠心逐片雲閑日月浮生外牛羊落照間慙慙華表鶴飛去復飛還

貫休

翁元廣

許玠

林敏功

杜荀鶴

盧綸

司空圖

誠齋

秋日湖上憇水僊祠

萬木已西風千山景象通岸拖秋草綠日抹半山紅穴  
蟻苔痕靜詩人眼界空水僊來往處脉脉興何窮

廖熙績

廖巨凝

王大受

李子西

賈島

修睦

楊蟠

文兆

野步

野步隨吾意無勞問是非風鶯移樹囀江燕引雛飛一  
徑入寒竹千峯駐晚暉幽懷在天末何要更忘機

賈島

方干

韋莊

殷遥

鄭谷

李嘉祐

李彭

林和靖

遊天竺

天竺秋重入脩然適此心路尋流水遠門閉野雲深澹  
沱生真趣幽閑且自任殘陽應更好蟬合伴清吟

林和靖

賈島

林敏功

皇甫冉

鄭谷

韋莊

鄭谷

林和靖

自笑

自笑從來癖平生斷在詩兔驚共容與寃夢亦清奇古  
調俗不樂衰容鏡每知機心吾豈有休把運行推

張鑑

杜荀鶴

巽平

蘊常

王文元

韋莊

張君量

胡歸仁

天竺戲書



出郭西湖近貧看立又行園林青氣動日夕白雲生映  
竹犬初吠緣溪鶴自鳴慙慙下天竺泉石愜幽情

張君量  
林和靖

誠齋  
方干

鄭谷  
誠齋

賈島  
曉瑩

解舟

落日放船好波恬爾許平水光浮棹碧山意入詩清世  
路方行險江人莫問程順流風更順颿颿片帆輕

杜工部  
王大受

誠齋  
鄭谷

夏倪  
誠齋

張君量  
黃庚

落日放船好長河水接天遠林翻急吹孤棹正悠然風

攪平雲陣波輕片雪連前村鴉噪斷極目仰聯翩

杜工部  
誠齋

賈島  
張籍

夏倪  
曉瑩

溫飛卿  
賈島

### 遊何山

綠草閑深院繁花的的開捲簾當白晝辭洞戀青苔燕  
掠平蕪去人從瀑布來林間清話久杜宇一聲催

薛能  
李頻

李彭  
劉得仁

修睦  
郎簡

白樂天  
誠齋

### 憶遊天竺

寺憶新遊處江村日暮時溪長石磊磊天遠草離離塔

院關松雪山泉滿路岐那知巖下樹一一入吾詩

杜工部

孟郊

寒山

趙湘

賈島

賈島

翁元廣

陳與義

旅暮即事

萬壑初收雨湖聲正寂然薄衣臨積水歸鳥度平川仙

掌雲邊樹春風寺外船詩成見新月目極向遙天

李子西

張君量

杜工部

杜荀鶴

賈島

杜荀鶴

希畫

許棠

東山精舍戲書

迥磧沙街日荒溪衆樹分行人隨旅鴈尋寺入幽雲遠

岫林間見啼鶯夢裏聞湖山雖不語心緒已紛紛

賈島

賈島

皇甫冉

賈島

陳與義

寇萊公

祖可

方干

題淨衆壺隱

古院無僧住含情更惘然綠苔欺破閣白鳥沒飛烟壺

隱遲遲日筒分細細泉欄杆聊小凭取火綴詩篇

宇昭

溫飛卿

林和靖

潘郊老

翁元廣

宋庠

曉瑩

曉瑩

贈別張西叔之豐城

有客功名累蕭蕭逐轉蓬豐城千里外茅屋萬山中楊

柳縈橋綠秋梨繞地紅登臨雖未並談笑會當同

翁元廣

戴叔倫

曉瑩

誠齋

溫飛卿

李賀

鄭工部

曉瑩

酌敬上人

浙界殘零處相尋聊解顏別橋連白石移榻對青山有  
恨春將晚無機性自閑天涯將野眼時見一舟還

誠齋  
曉瑩

鄭谷  
許渾

白樂天  
方干

修睦  
賈島

遊西庵

小隱寄幽谷登臨翠色中亂雲低薄暮片水靜涵空往

往遊西崦依依向北風清猿不可聽幽思更無窮

李彭  
誠齋

陳瓘  
廬象

杜工部  
皇甫冉

方干  
蔡襄

江上偶謁什上人

在路日已久此心誰與論一言知具眼萬里獨消魂輟棹丹楓浦扶筇白水村縱情猶未已吟扣野僧門

晚瑩  
趙昌國

杜荀鶴  
楊濟翁

晚瑩  
賈島

惟審  
鄭谷

客次感懷

投老詩成癖愁生為客途烟雲長在目山水暫遊吳遠

意極千里歸心寄九衢一身仍更病意緒日荒蕪

陳與義  
林和靖

賈島  
溫飛卿

章希仲  
吳融

鄭谷  
杜工部

即事

殘日住孤館虛廊遶幾迴沙鷗背人去江雨帶潮來古  
驛恠藤合霜花錯節開時因念衰疾獨與暮猿哀

寇萊公  
陸游

呂南公  
司馬溫公

王子俊  
杜工部

曹組  
曾紆

歎命

歎命無知己吾徒却自寬艱難為客慣幽僻置身安竟

日霏微雨空園浩蕩寒江山多勝境到處得吟看

賈島  
曉瑩

誠齋  
陳與義

耿緯  
鄭谷

种放  
杜荀鶴

### 寓筆

幽徑草初青無人知地名征鞍千里遠倚杖一江橫雲  
重欲為雨風和拗得晴家家好春色春色徧空明

子熙  
惠洪

李秦伯  
惠洪

修靜  
司馬溫公

夏倪  
蔡凝

### 獨遊

幽圃多情致殊方此日歡松風歌枕聽春草隔溪看紅



入桃花嫩青還玉宇寬獨遊吾有意終日凭欄杆

范純仁

杜工部

杜工部

誠齋

正宗

劉克莊

楊适

李若水

定慧別業次韻陳子中

地勝千山會孤懷行轉幽歸雲帶層巘遠岸送輕舟綠  
樹鶯邊合清泉檻外流雨餘情更逸端為故人留

胡憲  
誠齋

陳與義  
曉瑩

林和靖  
杜審言

陳與義  
蘊常

遣懷

抱瘵便秋晚無言祇自知是身多落寞半世足飄離靜

聞王維畫閑園李遠棊慨然歎時命轉覺命堪疑

李彭

韋莊

懷古

陳與義

曉瑩

白樂天

鄭谷

雍陶

落拓無生計放懷便所便託心時散帙即事偶成篇此  
道欣逢泰平生祇信緣慙慙伴幽獨松亞小窻前

李彭

楊濟翁

曉瑩

曉瑩

林和靖

誠齋

張君量

鄭谷

學懶真成懶龍鍾志未耐此生多輶軻何處不遲留  
業頻看鏡寒盟得問鷗羈愁難盡遣愁盡自無愁

誠齋

杜工部

鄭谷

繆瑜

鄭谷

方干

李西

誠齋

淹泊寧吾願年光送老來只知閑說話但覺旅懷開此  
路方知己唯天合是媒冥搜無好語也辱片雲催

誠齋  
高適

易嘉猷  
杜荀鶴

邵康節  
張君量

曉瑩  
誠齋

與保寧西堂同客三塔因有感而作

漫浪真堪老君應與我同旅懷斜日後閑步淡烟中有  
分長為客無勞問轉蓬不妨留滯好悟取本來空

誠齋

王大受

文兆  
杜工部

賈島  
于湖

鄭谷  
翁元廣

寫懷寄湛上人

吾事只如此奔忙自作癡買山猶未得弔古却成悲老  
去慵趨世愁來獨賦詩浮生同是客誰復問棲遲

張耒  
鄭谷

誠齋  
藎常

戴叔倫  
楊公濟

誠齋  
林和靖

寂寂相思際遙焚一炷香鴈飛雲杳笛引淚浪浪明  
代誰招隱窮遊我自忙他時解顏笑寧免鬢毛蒼

賈島  
希畫

鄭谷  
李彭

方干  
李彭

韋莊  
曉瑩

### 寄元藏主

度歲不相見別來春又春縱橫皆失計談笑亦何因鄉

思盈愁望形衰恨道貧掩扉當太白願卜子為隣

賈島  
陳羽

杜荀鶴  
戴叔倫

岑參  
賈島

方干  
鄭谷

送別一西堂

一老說淡話忘懷絕險艱別離從闕下游戲且人間落  
羽羞言命臨岐強破顏住山須鉏斧此句急追還

誠齋  
盧綸

雍陶  
曉瑩

賈島  
李彭

于湖  
誠齋

次韻朋上人東湖精舍即事

開徑東湖上千巖鏡裏看與君頻邂逅此地久盤桓柳

影含雲幕桃花生暮寒婆娑弄翰墨清興寄毫端

徐俯  
杜工部

誠齋

曉瑩

曉瑩  
張鑑

登樓次朋上人韻

落日生春色桃花笑不休鶴飛湖草迴風止客帆收樹  
遠天疑盡江平水却流愁來無處去為子上高樓

陳與義  
吳融

陳與義  
陳師道

皇甫冉  
岑參

孟郊  
鄭谷

小憩東嶽行宮戲題

樹色遙藏店春風入鼓鼙行宮花漠漠孤嶼草萋萋白

鳥飛還立黃鶯歇又啼詩成那用好到處好詩題

韋莊

賈島

杜工部

白樂天

白樂天

誠齋

賈島

李頻

送客歸戲書

險盡途方坦溪鳴錦幄傍  
暝烟沉古道幽草戀殘陽  
寂春將晚迢迢日自長東門因送客行得汗如漿

誠齋

杜工部

溫飛卿

張耒

懷古

賈島

惠崇

誠齋

答一老

散拙亦自遂誰能淚墮巾  
詩成聊疥壁道在不嫌貧老

矣曾榮望頽然只任真拂衣從此去四海作閑人

方干  
誠齋

賈島  
曉瑩

曉瑩  
孟郊

鄭谷  
邵康節

### 有感

志業不得力寂寥常掩關交疎貧病裏老疾去留間涉  
世心猶壯經秋鬢自斑平生懷古意欲語淚先潛

方干  
翁元廣

溫飛卿  
郎士元

盧綸  
范純仁

陳師道  
誠齋

### 送別永上人

四海無拘繫飄然不可留洩雲分疊巘落日滿行舟舉



世謀三窟餘生老一丘對床清約在後會必經秋

可止

方干

李彭

蘊常

易嘉猷

韓子蒼

翁元廣

善生

翠蘿亭書事

萬壑初收雨鴉聲嘒客勞溪寒魚隊散秋靜鳥行高碧嶂前兼後青猿斷更號捲簾雙眼遠繞舍綠週遭

李子西

誠齋

翁元廣

林和靖

寒山

賈島

誠齋

徐俯

登樓

二月春方好登樓望欲迷闌情山簇簇餘思草萋萋小

浦依林曲長天向水低鄉心正無限恰恰一鶯啼

曉瑩  
皎然

杜工部  
希畫

吳融  
司馬文明

曉瑩  
誠齋

至錢君瑞壺天因題云

林下中餐後登臨思渺然捫蘿循鳥道著屐到壺天要  
地無閑日新晴有亂蟬主人貧貴達燈火照青編

賈島  
惟鳳

張君量  
鄭谷

翁元廣  
鄭谷

李彭  
曉瑩

贈別顯上人

兩浙尋山徧依稀三十秋征塵添老色藜杖賦歸休落

藥隨杯渡殘虹帶夕收不知從此去能寄短書不

鄭谷

巽中

賈島

林和靖

王大受

徐俯

曉瑩

蘊常

江湖小集卷四

欽定四庫全書

江湖小集卷五

宋 陳起 編

釋紹嵩江浙紀行集句詩

道中自遣

綠暗連村柳江平不見灘日烘花氣暖岸曲水流寒世  
路今逾窄客心須自寬悠悠片雲質溪上更蹣跚

陳師道  
誠齋

王大受  
杜荀鶴

張鉉  
澹交

曉瑩  
吳達

走筆酌黎德夫

索寞門長掩圖書是舊貧無因從發藥有命懶謀身寥  
落悲前事英雄歎後塵裁詩託幽思幽思忽相親

翁元廣

戴叔倫

鄭谷

陳與義

曉瑩

蔡襄

李端

戴叔倫

哭黃少府

大節羣公倡儒科慕冉顏遠分天子命長覺吏徒閑秋  
入篇章裏川行翰墨間壑舟今已矣老淚為渠潛

家演  
誠齋

賈島  
誠齋

杜荀鶴  
趙彥昭

杜荀鶴  
誠齋

酌顏聖聞監稅

地僻春來靜孤山夕照餘深慙長者轍新欠故人書有  
酒招元亮無人誦子虛相從又相別意緒各何如

杜荀鶴  
誠齋

馬戴  
齊已

杜工部  
誠齋

誠齋  
誠齋

贈劉信之

四海劉居士詩書論議深苦吟天與性醉卧月空沉囊  
有壺公藥身無戚里心高懷不我棄他日重來尋

虞祖南  
李彭

曉瑩  
韋莊

杜荀鶴  
曉瑩

保暹  
溫飛卿

偶興

暖日薰楊柳溪風為肅然浣衣逢野水擁錫上瀧船元  
是滄浪客閑尋空谷泉病來詩久廢喜此得終篇

陳與義

誠齋

皇甫冉

雍陶

誠齋

皇甫冉

誠齋

杜荀鶴

贈黃元吉

此客非常客搜詩病入神錦囊稱具眼文學老於身機  
息知名誤家因守道貧仍聞猿與鶴與爾轉相親

誠齋

善生

翁元廣

鄭谷

戴叔倫

韋莊

杜荀鶴

方干

江上對月

北渚牽吟興何妨語夜關天寬雲出谷春至草生灘練  
練長江靜駸駸半臂寒老翁扶杖立空對爛銀盤

鄭谷  
曉瑩

曉瑩  
誠齋

杜荀鶴  
誠齋

賈島  
張鑑

### 鳳口寺

古栢間松篁山光接水光園林春婉婉雲水日相佯  
苒苒花明岸稍稍竹過墻冥搜得詩窟臺館曉蒼蒼

鄭谷  
溫飛卿

邵康節  
曉瑩

實雲  
李郢

巽中  
王無競

### 遊清老別業



別業青山郭人烟遠更微  
濕花隨水汎長瀑倚空飛  
開篋收詩卷凭軒對竹扉  
淹留更一醉應在醉中歸

羊士諤

方干

庾信

林和靖

賈島

黃貢

戴叔倫

杜審言

遣懷

巡禮諸方徧無心問世緣  
東西南北路一十二三年  
夜色臨城月猿聲隔樹煙  
坐來幽興在對景覓詩聯

鄭谷

翁元廣

貫休

尚顏

靈一

張祜

鄭谷

曉瑩

遊光嚴精舍

酷愛山兼水山重水又回樹圍平野合花逼艷陽開習  
習和風至冥冥細雨來將雨誰請住留步小庭隈

鄭谷  
曉瑩

雍陶  
杜工部

誠齋  
清塞

孟郊  
李郢

### 憇江亭

花露濕晴春坐無車馬塵江流青草岸波閃白龍鱗往  
事如今日知心似古人憇憇聽漁唱閑趣自相親

林和靖  
鄭谷

李昭玘  
方干

姚合  
鄭谷

誠齋  
惠崇

### 小院

小院無人夜樓高月迥明偈吟諸祖意茶試老僧鐺門  
掩園林僻牕虛筆硯輕慙慙供一笑一笑可憐生

唐彥謙

賈岳

杜工部  
姚合

修睦  
曉瑩

賈岳  
誠齋

客中戲書

杖屨千崖表江山故作妍捫蘿懷鳥道踏石過溪泉野  
濕禾中露秋明樹外天白頭何所恨隨處一欣然

誠齋  
鄭谷

陳師道  
張耒

李彭  
陳克

溫飛卿  
朱晦翁

遠笛招幽響無人竹揜墀馬嘶遊寺客鴉護落巢兒日

轉槐陰暮天高秋氣悲還應重風景時作一篇詩

王大受

皎然

韋莊

杜工部

潘邠老

戴叔倫

雍陶

杜荀鶴

寶溪道中

徑直夫何細雲山知幾重朱門均白屋紅葉間青松野  
火燒岡草殘陽下遠峯傷心繞村落倦客獨攜筇

誠齋

賈島

徐俯

鄭谷

賈島

惟鳳

鄭谷

曉瑩

寓山寺戲成

寺在猿啼外都無俗到來岸花開且落水鳥去仍迴果

落方知熟詩成未費才逍遙此中意老子興悠哉

寇萊公

畢仲游

韋承慶

杜工部

司馬溫公

誠齋

劉攽

楊濟翁

感惻

路入南雲下江回隔近村水深風浩浩山遠霧昏昏仰  
首羨飛鳥流年只斷魂客心兼暮色感惻復何言

陶弼

王廷玉

孟雲卿

陸游

蘇舜欽

寇萊公

王令

劉旦

和崇上人

松下中峯轉疎陰偃蓋清遠雲收海雨數鴈過秋城撫

事心猶壯卑棲氣未平近來唯此樂高韻寄閑情

林和靖  
曉瑩

陸肱  
翁元廣

清塞  
王灣

錢起  
皎然

贈別性老

此老殊清健情忘發興奇異方驚會面孤嶼共題詩聚  
散千江月參差萬里期相看作離別特地淚雙垂

翁元廣  
誠齋

杜工部  
賈島

杜工部  
戴叔倫

孟郊  
杜荀鶴

秋夜憶親庭有感

碧澗寒浸屋高林露氣清空牕閒月色密竹動秋聲宴

坐遊三昧隣談喧五更兩親今正老此別不勝情

李商老

陳與義  
山谷

方干  
誠齋

于湖  
溫飛卿

有懷

月淡猶明樹巖幽鐘磬微露滋三徑草寒入五更衣棲  
托情何限崢嶸歲且歸漱流今已矣無限故山薇

誠齋  
鄭谷

李彭  
翁元廣

韋莊  
賈島

懷浦  
劉商

至禪居

得路到深寺溪流鏡漾清微芳緣岸落荒竹過牆生烘

日淺深。色寒鴉斷續聲。我來無舊識。素抱與誰傾。

方干  
楊潛

張君量  
唐太宗

方干

王建  
曉瑩

口占

江上有微徑。漁人四五家。野船明細火。宿鴈起圓沙。峽口聞猿夜。秋星見客槎。徘徊幽逸盡。更覺在天涯。

東坡  
潘閏

楊濟翁  
夏竦

杜工部  
畢仲愈

杜工部  
劉攽

即筆

小閣稱幽隱。羣峯競秀尖。村春雨外急。秋色望中添。世



事已黃髮忘情付黑甜從渠造物巧未恠老夫潛

清晦

杜工部

趙令時

陸游

杜工部

陸游

沈括

杜工部

獨步

獨步時凝望幽襟失所從煙霞橫眼界天地醉心胷澤  
國秋容老人家水影重行窮十里嶺回首興何慵

寇萊公

王令

魯誠

李本中

夏倪

杜來

王令

鄭谷

振策

振策出遊眺清吟竹影東石門千仞斷秀水一篙通郡

閣煙光裏人家秋色中烏衣多勝槩老子奈途窮

梵崇  
魏野

劉廷世  
誠齋

杜審言  
晁說之

洪芻  
晁說之

遊雙徑

寶剎觸南箕登臨獨立時江山如有味花柳更無私已  
病身猶健言歸心尚遲片雲頭上黑真箇解催詩

米黻  
誠齋

曹緯  
米黻

徐俯  
杜工部

杜工部  
東坡

戲筆

地僻人稀到東郊自養蒙山遙天接樹夜靜月藏風岸

柳含煙翠江花脫晚紅詩應是遊戲吟嘯不須工

正宗  
法燈

張祐  
王荊公

尚能  
李和

李若水  
陳無已

雨罷

雨罷春光潤雲隨落日移鶯花愁不覺世路老方知苔  
徧安禪石根清洗硯池晚來風月好倚杖獨題詩

煬帝  
鑑微

舒豐  
惠洪

王禹偁  
陸游

司馬溫公  
張耒

溪上

弄水春溪上溪寒晚日紅舟行明鑑裡鳥渡醉吟中遠

岫千層聳輕艘萬派通桃源在何處笑語隔幽叢

滕宗諒

陳堯佐

劉延世

陳無已

義光

夏竦

張舜民

滕宗諒

次韻林仲山

午夢蠻花濕吟看不忍休白翻蕎處雪紅壓驛邊樓座  
冷蟲喧砌江澄水落秋看君有知己鈴閣想遲留

李彭

岑參

方干  
杜牧

誠齋  
岑參

李遠  
林和靖

贈別法儀

四海欲行徧心猿日漸馴貧高一生行衣故十年塵如

我如君者無名無利身慙慙訝此別忍淚已霑巾

杜荀鶴

韋莊

可止

懷楚

杜荀鶴

修睦

賈島

誠齋

山居即事

龍峯鳳谿皆山居也朝夕遊翫遇物感興因  
作集句紀一時之實茲併錄之得二十首不  
復銓次故題曰山居即事云

何處成吾道深居絕送迎竹扉常晝掩野徑得閑行萬  
壑樹聲滿千巖暑氣清相看兩不厭天際一山橫

清江

杜工部

李邕

石延年

种放

李白

蔣之奇

李泰伯

山色堆藍重風煙野外嘉興閑為活計祗老是生涯雖  
有明時約端無外物華人生貴知足此興未應賒

李若水

种放

舒豐

司馬溫公

贊寧

司馬溫公

士珪

曾紆

氣味閒中好居疑與世分銷愁何用酒娛意莫如文穴  
暝雲初上山高日易曛近來心更靜清絕洗妖氛

舒豐

張濂

宋咸

范鎮

司馬溫公

于鵠

司馬溫公

侯彭老

獨坐空山裏閒尋物理幽人情正苦暑詩興得高秋衰

謝多扶病功名安足謀自嗟疎野性肯伴白雲休

梅堯臣  
杜工部

俞如礪  
劉敞

司馬溫公  
蘇舜欽

張耒  
滕宗諒

老去慵仍甚幽歡良自如性將時共背身與世俱疎水  
色含羣動秋容淡夕虛愜心皆樂事真作野人居

張詠  
杜工部

劉攽  
張耒

白樂天  
司馬溫公

邵康節  
杜工部

拂石翫林壑凜然天欲秋竹風連野色含影漾江流碧  
嶂雲初合遙峯雨半收山居自清絕不夢世間遊

林和靖  
夏倪

呂本中  
簡長

杜工部  
誠齋

杜工部  
于鵠

掩戶閑歌枕身心俱寂然蹉跎已甘分游息或談玄獨得萬古意何勞百響煎功名與世事欲問即攀緣

陳充  
張俞

司馬溫公  
張舜民

許彥國  
張耒

孫僅  
夏竦

徑轉危峯逼偏令兩眼明涼風吹詠思幽竹送寒聲砧響家家急溪陰寸寸生含情不得語拂石記閑名

杜審言  
杜工部

誠齋  
唐太宗

墨域  
張九齡

向敏中  
子熙

病日書淫歇熏爐炷麝煤山將落日去風帶舊寒來微霰疎還密虛堂閑復開無人語心事永日坐徘徊



晁說之  
誠齋

楊濟翁  
齊己

李白  
楊濟翁

楊緒  
文舉

老罷休無賴吟詩報答閑圓扉長寂寂騰口任嘖嘖護  
塔雲偏重棲林鳥自還榮枯不經意何用密防姦

杜工部  
仲林

楊濟翁  
魏野

駱賓王  
葛次仲

韓愈  
贊寧

獨立柴荆外孤吟四望頻晴山雲罨畫深谷鳥聲春老  
覺文章退閑知氣味真窮居那敢恨虛白自為憐

陸游  
呂本中

郭震  
司馬溫公

李建中  
陸游

庾信  
宋咸

永日脩然坐春風苦喚行筇輿穿樹色竹塢度鐘聲雨

惡天光淡山窮地勢傾苔磯清鏡裏花濕轉分明

法燈

誠齋

徐俯

宋庠

呂南公

陶弼

石延年

楊蟠

此地真奇絕何須屋萬間穿林隣虎穴隔水是塵寰保  
甲元無籍訛邪自不關安閑有滋味未敢負雲山

夏倪

司馬溫公

杜工部

夏倪

張舜民

張耒

義光

法燈

早晚無塵事清心白日長水煙通徑草冰玉入詩腸遠  
嶠收殘雨空林挂夕陽此時何限興幽鳥語如簧

孫何

司馬溫公

杜工部

夏倪

寇萊公

張耒

義光

法燈

碧樹高巖底柴門引徑斜采茶尋遠澗護藥揀新筓澄  
水含斜影寒空散晚霞寂寥無與語聊欲玩煙花

何顓之

楊濟翁

張籍

韓愈

諸葛穎

楊濟翁

李百藥

夏倪

物色催年老誰令眼界幽不憂緣不動無意亦無求寂  
寞了閑事迂疎却自由功名今晚矣萍梗任飄流

劉敞

士珪

邵康節

李師中

沈千運

張耒

李若水

司馬溫公

靜境纔過從畫門開更慵荒林失輕霧寒日下危峯曳  
履尋花圃搜詩到暮鍾誰言淹泊意無酒為澆胃

陳堯佐

王令

誠廣

浪仙

惠洪

惠溟

王鐵

王鐵

古屋茆茨小寒林春自芳塢深人不到花落樹猶香事

去青山在閑知白日長禪心真已靜笑失昔時狂

蘇庠

喻汝礪

士珪

李昭玘

楊蟠

李邴

徐俯

徐俯

雨後江山綠蟬聲若喚人巖花隨處發宮柳著行新風

月充三益林泉是四隣杖藜林下去且作自由身

陳與義

司馬溫公

杜來

杜工部

楊濟翁

石延年

楊蟠

王禹偁

衰落暗成病如何不白頭百年長擾擾萬事祇悠悠耕

鑿資餘力行藏獨倚樓却因虛淡極忽覺此生浮

法振

邵康節

王績

陸游

戴叔倫

杜工部

劉克莊

惠洪

江湖小集卷五